

Баяндэлгэр сумын Иргэдийн төлөөлөгчдийн хурал,Засаг даргын Тамгын газрын
2021 оны 05 дугаар сарын мэдээ

2021.05.24

Нэг: Удирдлага, зохион байгуулалтын талаар:

а/ Сумын ИТХ-ын чиглэлээр: ИТХ-ын тэргүүлэгчдийн хурлыг хуралдуулан төрийн дээд шагналаар шагнагдах 13 иргэний материалтай танилцаж Тэтгүүлэгчдийн тогтоол гаргаж аймгийн засаг даргын тамгын газарт хүргүүлсэн. Мөн Сумын ИТХ ын төлөөлөгчдийн дунд цахимаар сургалт зохион байгууллаа.

б/ Тамгын газрын төрийн удирдлагын ажлын чиглэлээр:

Тухайн сард дээд газраас 26 албан бичиг ирсний 3 нь хариутай хугацаанд нь холбогдох газарт хүргүүлэн ажилласан.

Сумын засаг даргын 05 дугаар 04 –ны өдрийн А/54 тоот захирамжаар Бүх нийтийн их цэвэрлэгээг зохион байгууллаа.

Мөн өдрийн А/55 тоот захирамжаар Бүх нийтийн мод тарих өдрийг зохион байгуулж 7 төрлийн 500 гаруй суулгацыг ногоон байгууламжинд тарьж усалгаа арчилгааг хийлээ.

Хоёр: Төсөв санхүүгийн чиглэлээр: Шилэн дансанд тухай бүр болон сар, улирлаар тавигдах мэдээллийг бүрэн тавьж илгээлээ.

Орон нутгийн төсвийн байгууллага, Тусгай шилжүүлгийн байгууллагын санхүүжилтыг хуваарийн дагуу бүрэн олгогдсон.

Аймгаас авах санхүүгийн дэмжлэг, төсвийн орлого төсөв төлөвлөгөөний дагуу санхүүжигдсэн

Байгууллагын өр авлага, төсвийн гүйцэтгэлийн мэдээг хүлээн авч ЗГУСХС бүрэн мэдээлсэн.

Статистикийн байгууллагад хүргүүлэх жилийн эцсийн болон сар улирлын мэдээ тайланг хугацаанд нь гаргаж хүргүүлсэн.

Иргэдээс цугласан хонины хандивын мөнгө 20800000/ хорин сая найман зуун мянган төгрөгийг СОК-ын хуралаар хэлэлцүүлж ЭМТөвд шаардлагатай рентиген аппаратын тоног төхөөрөмж болон хяналтын постын шатахууны зардалд зарцуулахаар хэлэлцэн батлуулав.

Гурав. Хууль, эрх зүйн бодлогын хүрээнд: Ковидоос урьдчилан сэргийлэх сургалт мэдээлэл гарын авлагыг facebook группт байршуулан иргэдэд хүргэн ажилласан.

Дөрөв. Боловсрол, соёл, эрүүл мэнд, нийгмийн хамгааллын бодлогын хүрээнд:

Хөдөлмөр эрхлэлтийн чиглэлээр: Хөдөлмөр эрхлэлтийн бүртгэл мэдээллийн нэгдсэн сан /LMIS/-д бүртгэлтэй ажил хайгч 2021 оны 05-р сард хөдөлмөрийн насны ажилгүй иргэн ажил хайгчаар 1 иргэн, 6 иргэн ажилд орсныг хөдөлмөрийн зах зээлийн мэдээллийн нэгдсэн санд бүртгэсэн.

2014-2020 онд Хөдөлмөр эрхлэлтийг дэмжих сангаас зарлагдсан төсөл хөтөлбөрт хамрагдсан 1 иргэний 3300,0 төгрөг, хугацаа хэтрэлттэй 2 иргэнд мэдэгдлийг хүргүүлж өдөр утсаар нь холбогдож ажиллаж байна.

Хөдөлмөр эрхлэлтийг дэмжих төсөл хөтөлбөрийн хүрээнд нийт 2 төсөл хүлээн авсан. Нийтийг хамарсан ажлын хүрээнд ЗДТГазраас ногоон байгууламж нэмэгдүүлэх төслүүдийг ХХҮГазарт хүргүүлсэн.

Нийгмийн халамжийн чиглэлээр: ХХҮГазраас зохион байгуулсан онлайн хуралд хамрагдаж зөвлөмж чиглэлийн дагуу өгсөн үүрэг даалгаварыг биелүүлж ажилласан.

Хүнсний эрхийн бичгийн үйлчилгээнд 58 өрхийн 282 иргэн хамрагдаж байгаа ба 05-р сарын 3,384,000 төгрөгийн "Хүнсний бүтээгдэхүүн худалдан авсан. Бүртгэл",-ийг гэрээт дэлгүүрт бэлтгэн өгч өрхүүдэд олгуулж байна. Хүнсний эрхийн бичгийн 5 сарын олголтын мэдээг өдөр бүрийн 15 цагт мэргэжилтэнд мэдээллэж ажилласан.

"Шинэ төрсөн хүүхэд"-ийн бүртгэлийг сар бүр маягтаар бүртгэж байгаа өрхийн мэдээллийн нэгдсэн санд бүртгүүлэх 16 хүүхдийн баримт бичгийг хүлээн авч жагсаалтаар хүргүүлж ӨМНС-д бүртгэсэн.

2021 оны 05-р сарын 03-ны өдрөөс зарлагдсан төсөл хөтөлбөрүүдийн зарыг цахим групп болон банк,дэлгүүрүүдээр зарыг байршуулж ажилласан. ОНОТХҮ-ний бүлгийн төсөл,нийтийг хамарсан ажлын төслийг холбогдох мэргэжилтнүүдэд хүргүүлсэн.

03-р сард Нийгмийн халамжийн ehalami.mn системид цалинтай ээж хөтөлбөрийн 0-3 хүртэлх насны хүүхэд асарсаны тэтгэмжид 16 иргэнд-1085400₮, Жирэмсэн эхийн тэтгэмжид 9 иргэнд 360000 төгрөг нийт 33 иргэний мэдээллийг бүртгэсэн.

Ерөнхий боловсролын сургууль: БШУ-ны сайдын 2021 оны 05 сарын 05 – ны өдрийн А/165 тушаалаар хичээл сургалтын үйл ажиллагаанд зохицуулалт хийгдэж амралтыг эхлүүлсэн.

Тус хичээлийн жилд 1-5 ангийг 549 сурагч, 6-12 ангид 528 нийт 1077 сурагч суралцсан. Үүнээс 9-р анги 64 дүйцсэн хөтөлбөрөөр 3 сурагч нийт 67, 12-р ангийг 82 сурагч суурь болон бүрэн дунд боловсрол эзэмшиж төгслөө.

05 сарын 17-ноос 06 сарын 17 хүртлэх хугацаанд матетатик, монгол хэл, нийгэм, түүх, орос хэл, газарзүй, хими, биологи, англи хэл зэрэг хичээлүүдээр 62 сурагч элсэлтийн ерөнхий шалгалтын давтлаганд хамрагдаж байна.

"Бүх нийтийн мод тарих үндэсний өдөр"-ийг тохиолдуулан Боловсролын байгууллага үүсэж хөгжсөний 100 жилийн ойн бүтээлч ажил болгон ЕБС-ийн хамт олны зүгээс нийтийн эзэмшлийн талбайд 150 ширхэг мод тарьж усалгаа хаягжуулалт хийлээ. Мөн өөрийн эзэмшлийн газрын 100 модыг арчлан сэргээж, өмчлөлийн газартаа орчны цэвэрлэгээ хийв.

Өсвөр насны хүүхдүүдийг байгаль дэлхийдээ хайртай, ногоон иргэн болгон төлөвшүүлэх зорилтын хүрээнд мод тарих үйл ажиллагаанд Б.Ариунжаргал багштай 106 анги болон 10-12 дугаар ангийн сурагчид өөрсдийн санаачигаараа 24 ширхэг мод суулгасан.

Эрүүл мэндийн төв: Ковид-19 халдварын түргэвчилсэн шинжилгээг 175 иргэнд хийж 1 эерэг гарсанг АНЭ-т баталгаажуулах PCR шинжилгээнд явуулсан. Голомтын эцсийн ариутгал 288мкв талбайд хийсэн. Голомтод бүс нутгаар зорчин ирсэн иргэдийг гэрийн ажиглалтын хугацаа дууссан өдөр ковид-19 халдварын түргэвчилсэн шинжилгээ хийн ажиллаж байна.

Ковид-19 халдварас урьдчилан сэргийлэх Хятад улсын Синофарм үйлдвэрийн Вероцелл вакцины 2 дахь тунг ЭМТ-ийн эмч, ажилчид ЕБС, Бөмбөөлэй хүүхдийн

цэцэрлэгийн багш ажилчид, Сумын онцгой комисс, Мал эмнэлэг, Цагдаа, Эрчим хүчний 180 хүнийг бүрэн хамруулсан. 18-с дээш насны 3257 иргэнээс 3101 иргэнийг вакцины 1 тунд хамруулж 95%-тай байна. 2 дахь тунгийн вакцинжуулалт одоо үргэлжлэн явагдаж байна.

Цэцэрлэг: Багш ажилчид богиносгосон цагаар ажиллаж байна. 29 хүн ковидын 2-р тунгаа хийлгэж дууссан бол 1 багш 1-р тунгаа хийлгэлээ. Постонд байгууллагын багш ажилчид хуваарийн дагуу ээлжлэн гарч байна.

“Үр дүнд суурилсан бодлого төлөвлөлт хяналт шинжилгээ үнэлгээ” цахим сургалтанд - 23 багш, Жендерийн сургалтанд - 20 багш, Мэргэжил дээшлүүлэх үндсэн сургалтанд-1, “Төсөлд суурилсан сургалтын арга зүй” сургалтанд - 12 багш, Байгууллагын дэргэдэх эцэг эхийн зөвлөлийн уулзалтанд- 1, Төсөлт үйл ажиллагааны хэлэлцүүлэгт-11 албан хаагч, Мэдээлэл харилцаа холбоо технологийн нээлттэй боломжуудыг цахим хосолсон сургалтанд хэрэглэх аргууд сургалтанд-20 хамрагдаж энэ сард нийт давхардсан тоогоор 88 албан хаагч цахим сургалтанд хамрагдсан байна.

Бэлтгэл бүлгийн хүүхдийн сургуульд бэлтгэгдсэн байдалд дэмжлэг үзүүлэх 7 цуврал ном, багшийн илгээх захидалын хамт өдрийн бүлгийн 100 хүүхдэд бүрэн хүргэж дууссан. Ингэснээр хүүхдүүд цахимаар үзсэн хичээлээ бататган хэвлэмэл материалаар тараасан нь эцэг эхчүүд хүүхдүүдтэй хамтран ажиллах илүү боломжтой болсон.

БШУ-ны сайдын 2021 оны А/165 тоот тушаалыг хэрэгжүүлэх ажлын хүрээнд хүүхдийн хувцас, хичээлийн хэрэглэгдэхүүнийг тарааж өгөх ажлыг зохион байгуулж одоогоор 95 хувьтай хүргэсэн байна.

“Жаахан шаргын нутаг” монгол бичгийн онлайн уралдаанд ЕБС-ийн багш Г.Туяацэцэгтэй хамтран ажиллаж аймагтаа дэд байр эзэлсэн амжилт гаргасан.

Байгууллагын цахим хуудсанд 22 мэдээ мэдээлэл, цахим хичээл 3-ыг бэлтгэн хүргэж нийт 89 хүний хандалтыг авсан байна.

Соёлын төв: Байгууллагын цахим хаягт соёл урлагийн болон цаг үеийн нөхцөл байдлын мэдээ мэдээлэл, КОВИД-19 өвчнөөс урьдчилан сэргийлэх заавар зөвлөмж зэрэг мэдээ мэдээллүүдийг тогтмол оруулан ажиллаж байна.

“Сүлд” телевизээс зохион байгуулсан ардын болон зохиолын дууны цахим уралдаанд 5 уран сайханч, аймгийн ахмадын хорооноос зохион байгуулсан дуу шүлгийн цахим уралдаанд 20 ахмадыг бэлтгэн оролцууллаа.

Хорио цээрийн дэглэмийн үед номын сангийн үйлчилгээг ард иргэдэд цахимаар хүргэхэд анхаарч 2 тууж 9 өгүүллэгийг цувралаар оруулж уншигчиддаа хүргэлээ. Элсэлтийн шалгалтанд бэлтгэж буй багш сурагчид, оюутнууд гэх мэт зайлшгүй шаардлагатай уншигчдад гэрээр ном олгож үйлчилж байна

Соёлын яам, МҮНС, “Өв өлгий” төвөөс хамтран зохион байгуулсан “Соёлын баримтат өвийн хадгалалт хамгаалалт” аймгийн угсаатны зүйн музейгээс зохион байгуулсан “Орон нутгийн жишиг музейн онцлог, соёлын өвийг сурталчилах арга зам”, “Стандарт хэмжил зүйн газраас зохион байгуулсан “Номын сангийн стандарт” Соёлын яамнаас зохион байгуулсан “Соёлын бүтээлч үйлдвэрлэл” цахим сургалтуудад хамрагдлаа.

Тав: Хөдөө аж ахуй, байгаль орчин, үйлдвэрлэл үйлчилгээ, дэд бүтцийн хүрээнд:

Байгаль орчин: Сумын Засаг даргын 2021 оны 05 сарын 04 ны өдрийн А/54 тоот захирамжийн дагуу Бүх нийтийн их цэвэрлэгээг сумын нутаг дэвсгэрийн хэмжээнд 2021 оны 05 дугаар сарын 08-15-ны өдрүүдэд зохион байгууллаа. Цэвэрлэгээнд 11 албан байгууллагын 280 гаруй албан хаагч, 320 гаруй айл өрх, 28 аж ахуй нэгж байгууллага цэвэрлэгээнд удирдамж хуваарийн дагуу хамрагдсан болно.

Ерөнхийлөгчийн 63 тоот зарлигийн дагуу бүх нийтийн мод тарих өдрийн хүрээнд Сумын засаг даргын 2021 оны 05 сарын 04 ны өдрийн А/55 тоот захирамжийн дагуу ИТХ, ЗДТГазар, ЕБС, Хүүхдийн цэцэрлэг, ЭМТ, Соёлын төв, 086-р тусгай рот, УЦУОШС,Эргэлтийн эмийн сан, НИК- ШТС , МТ-ШТС, Байшинт ойл ШТС,Хаан банк, Төрийн банк, Дархан бадрах өргөө ХХК, Оргих мини маркет, Мал эмнэлэг үржлийн нэгжүүд зэрэг нийт 15-н аж ахуй нэгж албан байгууллагын 312 албан хаагч 7 төрлийн 500 гаруй суулгацыг ногоон байгууламжинд тарьж усалгаа арчилгааг хийлээ.

Ус хангамжийн үйлчилгээг сайжруулах ажлын хүрээнд сумын төвийн 3 усан сан, Өлзийт худгийн түгээгч нартай гэрээг байгуулан ажиллаа.

Аймгийн засаг даргын хээрийн түймрээс урьдчилан сэргийлэх албан даалгаврын биелэлтийн хүрээнд ажлын хэсэг байгуулан төлөвлөгөө гаргаж, хаврын хаваршилтын үед гал түймрийн аюулаас урьдчилан сэргийлэх зөвлөмж, мэдээ мэдээллийн 12 шторкыг социал группүүдэд түгээн ажиллалаа.

Хөдөө аж ахуйн чиглэлээр: Аймгийн Засаг даргын 2021 оны 05 дугаар сарын 07 ны өдрийн А/262 тоот "Гамшгаас хамгаалах өндөржүүлсэн бэлэн байдлын зэрэгт шилжүүлэх тухай" захирамжийн дагуу 2021 оны 05 дугаар сарын 09 ны өдөр Цагдаагийн тасагтай хамтран 3 караоке, 9 хүнсний дэлгүүрийн дарга, эрхлэгч нарт захирамжийг танилцуулж, спиртийн агууламж 18 градусаас доош согтууруулах ундааг худалдах, 08⁰⁰-20⁰⁰ хооронд ажиллах талаар зөвлөгөө өгсөн.

Сум хөгжүүлэх сангийн зээлийн эргэн төлөлт 5,4 сая төгрөг, 4 иргэнд 25,0 сая төгрөгийн зээлийг талх, нарийн боов, бууз,банш,суран эдлэл чиглэлээр олгосон.

Сумын хүнсний гол нэрийн бүтээгдэхүүний нөөцийн мэдээг 7 хоног бүрийн 1,4 дэх өдрүүдэд аймгийн ХХААГазарт хүргүүлж байна.

Мал төллөлт, бойжилт, том малын хорогдлын мэдээг 7 хоног бүрийн 3 дахь өдөр ХХААГазарт, сар бүрийн эцэст статистикийн хэлтэст программд шивж орууллаа.

2019, 2020 оны ноосны урамшуулал орж байгаатай холбогдуулан 2019 оны нэр, дансны зөрчилтэй 40 иргэн, 2020 оны 32 иргэний зөрчлийг залруулан аймгийн ХХААГазарт хүргүүлсэн.

Мал эмнэлэгийн чиглэлээр : Халзан сумын 4 дүгээр багийн малчин Б.Алтанзулын үхэрт шүлхий өвчний шинж тэмдэг батлагдаж голомтын бүсэд орсон тус сумын 5 дугаар багийн малчин Ж.Цэндсүрэнгийн үхэрт шүлхий өвчний шинж тэмдэг илэрсэнтэй холбогдуулан “Зүүн булаг” гэдэг газарт 10 км –ийн радиуст Сумын засаг даргын

захирамжаар 2021 оны 05 дугаар сарын 17-ны өдрөөс эхлэн 14 хоногийн хязгаарлалтын дэглэм тогтоогоод байна.

Сумын засаг даргын 2021 оны 05 дугаар сарын 18-ны өдрийн А/64 тоот “Шүлхий өвчнөөс урьдчилан сэргийлэх хаврын вакцинжуулалт хийх тухай” захирамжийн дагуу вакцинжуулалтанд ажиллах багийн удирдах ажилтан, малын эмч, техникч, туслах ажилтан нарыг оролцуулан ажлын хэсгийг томилон 7 групп 27 хүний бүрэлдэхүүнтэй 6 багийн үхэрт, 5 дугаар багийн хонь ямаа, хил залгаа 3,4 дүгээр багийн хонь ямааны 30%-ийг вакцинжуулахаар төлөвлөөд байгаагаас 2021 оны 05 дугаар сарын 24-ний байдлаар хамрагдвал зохих 184609 малаас 90149 мал хамрагдаж 49%-ийн явцтай байна.

Нэгтгэсэн: ХЭЗХ-мэргэжилтэн

Ж.Долгорсүрэн